

Nagina ulteriura distgargia fiscala per las interpresas

La regenza respunda a l'incumbensa parlamentara da la fracziun liberaldemocratica

DA MARTIN CABALZAR

■ **La fracziun liberaldemocratica pretenda per las interpresas ina reduziun da la taglia sin gudogn ed ina tariffa d'amortisaziun pli favorai-
vla. Malgrà che la regenza snega tut-
tas duas propostas è ella tuttina pron-
ta d'acceptar l'incumbensa parla-
mentara che vul rinforzar il Grischun
sco lieu d'interpresas.** En sia argu-
mentaziun tar l'incumbensa parlamen-
tara fa la fracziun liberaldemocratica al-
lusiun al fatg che la regenza ha fixà en
ses program guvernamental 2013–
2016 la promoziun da l'economia sco
tema central. Areguard las taglias haja
ella menziunà che «la buna posiziun tar
la grevezza fiscala tras la taglia sin gu-
dogn» stoppia vegnir mantegnida. En
sia intenziun strategica haja la regenza
plinavant previs da «mantegnair e me-
glierar» levamain la cumpetitivitad dal
Grischun sco lieu d'interpresas cun agid
da taglias moderadas sin gudogn e sin
chaptal».

Il Grischun n'è betg pli cumpetitiv

Tenor il schef da fracziun *Rudolf Kunz* possian ins en il fratemp dischplasma-
lmain betg discurren pli d'«ina buna po-
siziun tar la grevezza fiscala». Cuzunt
betg tar las interpresas pitschnas e me-
saunas. Kunz illustrescha quai cun il
suandant exempel: Tar in gudogn net
dad 80 000 francs e cun in chapital da 2
milliuns resultan en il Grischun (a Cui-
ra) taglias da 21 370 francs. Dapli taglias
stoppian mo anc vegnir pajadas a Basilea
ed a Delémont. Schizunt per las socie-
tads anonimas pitschnas cun in gudogn
da 30 000 francs ed in chapital da
100 000 francs saja il Grischun sin la
19avla piazza da la rangaziun dals chan-
tuns, constatescha Kunz. Quai mussia
ch'il Grischun na saja per differentas ca-
tegorias da societads da chapital betg pli



Il schef da la fracziun liberaldemocratica dal cussegl grond Rudolf Kunz è mo parzialmain cuntent cun la resposta da la regenza. FOTO Y. BÜRKL

cumpetitiv en cumparegl interchantu-
nal.

Reducziuns fiscalas ed augments d'amortisaziun

Per la fracziun liberaldemocratica è ina re-
duziun da la tariffa da taglia d'actual-
main 5,5% sin 4,5% perquai ina necessi-
tad. En l'avegnir duain il chantun e las vi-
schnancas plinavant pudair avair differen-
tas tariffas da taglia.

«En vista al fatg che la tariffa da taglia
sin il gudogn na possia per motivs da la
politica da finanzas actualmain betg ve-
gnir sbassada anc pli fitg duain las pussai-
vladads d'amortisar investiziuns sin donn
e cust dal gudogn vegnir concepidas da
medema maniera sco las praticas dal
chantun il pli attractiv», formulescha
Kunz la segunda pretensiun.

Amortisaziuns da taglia rinforzian
numnadamain la basa finanziaria da las in-
terpresas, segireschian lur independenza e

promovian ulteriuras investiziuns, di
Kunz. Tenor avis da sia fracziun ston ve-
gnir auzadas las tariffas d'amortisaziun sco
per exempel amortisaziuns sin chasas
d'abitare e da personal da 2% a 4%, sin edi-
fezis industrials da 4% sin 8% e sin con-
strucziuns moviblas da 20% sin 25%.
Kunz è persuadi che betg mo las personas
giuridicas profitassan d'ina adattaziun,
mabain era las personas cun in'activitad
da gudogn independenta sco firmas sin-
gulas, societads collectivs e commandi-
taras.

Cun sia incumbensa parlamentara vul
la pld che la regenza realiseschia ina u l'au-
tra u omaduas pretensins.

La regenza constatescha

La regenza constatescha ch'il cussegl
grond haja – cuntrari a la proposta da la
regenza – refusà l'incumbensa Nigg che
pretendeva da reducir la tariffa fiscala sin
gudogn da 5,5% sin 4,5% per la taglia

chantunala, la taglia supplementara e la
taglia da cultus. Plinavant saja in'incum-
bensa da deputà Kunz che pretendeva da
reducir la taglia sin gudogn ad ina chargia
finanziara da 12 u 13% vegnida retratga
pervia da las perditas calculadas. En la re-
sposta a questa incumbensa saja la regenza
era s'exprimida cunter in spustament da
las grevezzas tranter las vischnancas ed il
chantun.

Tenor las calculaziuns da la regenza ef-
fectuass la proposta da la pld tar in retgav
da taglia da 65 milliuns ina sperdita da ra-
dund 11,4 milliuns per il chantun e da cir-
ca 1,2 milliuns per las baselgias chantuna-
las.

Vista complessiva è necessaria

Sin fundament da l'incumbensa da depu-
tà *Marcus Caduff* (pcd Lumnezia) che è
vegnida acceptada cun 105 cunter 0
vuschs dal cussegl grond è la regenza ve-
gnida incumbensada da preschentar ina

vista generala, resp. ina strategia per pro-
mover il svilup economic en il Grischun.
Las lavurs correspondentas hajan gia cu-
menzà. La regenza è perquai da l'avis che
la dumonda da l'atezza da la taglia sin
gudogn, da la taglia supplementara e da la
taglia da cultus stoppia vegnir discutada e
decidida ensemen cun questa considera-
ziun cumplexiva dal lieu economic gri-
schun. En quest connex stoppian era ve-
gnir resguardads ils effect da la refurma fe-
derala da l'imposiziun da taglia sin inter-
presas III e las consequenzas pussaivlas per
il chantun er en il rom da la nova guli-
vaziun da finanzas da la confederaziun.

Era l'augment proponì da las tariffas
d'amortisaziun renviescha la regenza.
Chantun e vischnancas na possian betg sa
prestar las perditas che sa resultan da
l'augment da la tariffa d'amortisaziun.
Plinavant stoppian questas tariffas esser
identicas per confederaziun e chantun
perquai che divergenzas na fissan mate-
rialmain betg giustifitgablhas ed admini-
strativamain betg raschunavlas e cuntra-
faschessan al princip da l'armonisaziun
fiscal, scriva la regenza.

La regenza è dentant pronta d'exami-
nar l'atezza da las amortisaziuns imme-
diatas, e quai cun s'orientar a la correcti-
tud objectiva e betg a las tariffas d'amor-
tisaziun las pli autas d'in auter chantun.

Cun tut questas restricziuns è la regenza
tuttina pronta d'acceptar l'incumben-
sa.

In pass en la dretga direenziun

Per Rudolf Kunz èsi cunzunt impurtant
che la regenza saja pronta d'examinar la
pussavladad da resguardar dapli las
amortisaziuns immediatas. Quai rinfors-
zia cunzunt interprendiders activs en
noss chantun. El è dentant d'accord che
las ulteriuras pretensins per ina distgar-
gia finanziaria da las interpresas stoppian
vegnir consideradas ord ina optica pli
cumplexiva.